

續古文苑

一函
六冊

續古文苑卷第四

賜進士及第授通奉大夫山東通省督糧道加三級孫星衍撰

詩

申憤歌

周文王

殷道溷溷浸濁煩兮朱紫相合不別分兮迷亂聲色
信讒言兮炎炎之虐使我愆兮無辜桎梏誰所宣兮

通鑑外紀二句幽閉牢狴由其言兮遘我四人憂勤勤兮

通鑑外紀人作國得此珍玩且解大患兮倉皇迄命

遺後昆兮作此象變兆在昌兮欽承祖命天下不喪

兮遂臨下土在聖明兮討暴除亂誅逆王兮馮訥詩紀采古

今樂錄與通鑑外紀同其文
較琴操少十四句故錄之

龍蛇歌

周介子綏

有龍矯矯遭天譴怒捲排角甲來遁於下志願不與
蛇得同伍龍蛇俱行身辨山墅龍得升天安厥房戶
蛇獨抑摧沈滯泥土仰天怨望綢繆辛苦非樂龍伍
惓不眴顧馮訥詩紀載史記說苑新序呂氏春秋詩各不同而未采琴操故錄之○案綏諸書皆作推唯
琴操如此

琴歌

列女引云

周楚莊樊姬

忠言信兮從正不邪眾妾進兮繼嗣多

此見渚宮舊事案琴操言

信作諫行無從字進作
夸余知古別有所出也

昭王反郢琴歌

周扈子

昭王反郢樂師扈子侍坐引琴而歌曰

王兮王兮聽讒邪枉殺左右冤伍奢二子懷恨東奔
吳創雋構禍破國都鞭尸戮骸丘墓屠賴申包胥人
獲蘇王雖返國憂未徂此見諸宮舊事案吳越春秋
楚樂師扈子窮刼之曲與此
全異余知古別有所出也馮訥
詩紀但采吳越春秋故錄之

古歌辭

結交在相知骨肉何必親甘言無忠實世薄多蘇秦
古詩

青青陵中草傾葉晞朝日陽春被惠澤枝葉可攬結
草木爲恩感況人含氣血

古樂府罩辭

罩初何得端來得鮒小者如手大者如屨孝子持歸

遺我公嫗安得此魚適與罩迂從今以後但當求鮒

白渠歌

田於何所池陽谷口鄭國在前白渠在後舉鍤成雲
決渠爲雨水流竈下魚跳入釜涇水一石其泥數斗
且漑且糞長我禾黍衣食京師百萬餘口此歌見漢書溝洫志
無水流竈下二句漢紀有之恐後人寫漢志脫文焉
訥詩紀止據漢書載入故特錄之以補史志文字不備

譙君黃詩

巴郡譙君黃不事公孫述遣使賁藥酒懼之君黃
笑曰吾不省藥乎其子瑛納錢八百萬得免國人作
詩曰

肅肅清節士執德實固貞違惡以受命沒世遺令聲

案士女目錄高濂太中大夫譙元字君黃閬中人也
絮白尚書郎譙英元子也范蔚宗書獨行有譙元傳
子英附見但
未載此歌

陳紀山歌

巴郡陳紀山爲漢司隸校尉嚴明正直西虜獻眩王

庭試之分公卿以爲嬉紀山獨不視案范書本傳此
事在安帝永寧

二年至順帝卽位乃遷司隸
校尉道將舉其所卒之官耳京師稱之巴人歌曰

築室載直梁國人以貞貞邪娛不揚目狂行不動身

奸軌避乎遠理義協乎民案士女目錄政事司隸校
尉陳禪字紀山安漢人也

范蔚宗書有傳
但未載此歌

美嚴王思詩

漢應季先

巴郡嚴王思爲揚州刺史居官十八年卒百姓若喪
考妣義送者賁錢百萬其子徐州刺史不受送吏義
崇散以爲食食行客巴郡太守汝南應季先善而美
之乃作詩曰

乘彼西漢潭潭其淵君子愷悌作民二親沒世遺愛

式鏡後人

案士女目錄政事揚州刺史嚴遵字王思
閬中人也徐州牧嚴羽字子翼王思子也

傷三貞詩

永初中廣漢漢中羌反虐及巴郡有馬妙宜

案士女
目錄作

所妻義王元憤妻姬趙蔓君妻華執恭姜之節守一

醮之禮號曰三貞遭亂兵迫匿懼見拘辱三人同時
沈於西漢水而沒死有黃鳥鳴其亡處國人傷之乃

作詩曰

閒關黃鳥爰集於樹窈窕淑女是繡是黼惟彼繡黼其心匪石嗟爾臨川邈不可獲

風巴郡太守詩

漢安帝時巴郡太守連失道國人風之曰

明明上天下土是親帝選元后求定安民孰可不念

禍福由人願君奉詔惟德日新

案志又有永建中郡守吳資歌二首馮訥

詩紀已采今不更錄

酸棗令劉熊碑詩三章

清和穆鑠寔惟乾川惟嶽降靈篤生我君服骨叡聖允鍾厥醇誕生岐嶷言協墳懃德震耀孝行通神

動履規繩。文彰彪績。成是正服。以道德民。
有父子然。後有君臣。理財正辭。束帛戔戔。
夢刻像。霍鳴一震。天臨保漢。寔生勲明。試賦授夷。夏已親。
嘉錫來撫。潛化如神。其神伊何。靈不傷人。
猗歟明哲。秉道之樞。養之福。惟德之偶。淵乎其長。
渙乎成功。暇民豫。新我通。用行則達。以誘我邦。
賴茲劉父。用說其蒙。澤零年豐。黔首歌頌。

費鳳別碑詩

君舅家中孫。甘陵石勛字子才。載馳載驅。來奔于喪。
庭。肝確意悲。感切傷心。瞻彼碑誄。懷之好音。司馬慕。
蘭相。南容復白珪。仰之以彌高。鑽之而彌堅。不堪哀。

且思敘詩之一篇。庶幾昔子夏起夫子之所言。其辭曰。

君諱鳳。字伯蕭。梁相之元子。九江太守之長兄也。世德襲爵。銀艾相亞。恢遐祖之鴻軌。拓前代之休蹤。邈逸越而難繼。非羣愚之所頌。仁義本於心。慈孝著於性。言不失典。術行不越。矩度清絜。皦爾。堊而不滓。恤憂矜厄。施而不記。由近及遠。靡不覆載。故能闡令名。而雲騰。揚盛聲。而風布。踐郡右職。三貢獻計。辟州式部。忠以衛上。漢安二年。吳郡太守東海郭君。以君有透虵之節。自公之操。年卅一。舉孝廉。拜郎中。除陳國新平長。神化風靡。惠以流下。靜而爲治。匪煩匪擾。乾

乾日稷矜此黔首功成事就色斯高舉宰司委職位
思賢以自輔元懿守謙虛白駒以絜阻丹陽有越寇
沒命君討理之試守故鄣長蓋危亂有不
讓又畏此之罪罟而牧爰止其師旅鵠若飛
鷹鷁墟若夫墟席彊者綏以德弱者以仁撫簡在上
帝心功訓而特紀輶輿宰堂邑基月而致道視
遂據亏卿尹中表之恩情兄弟與甥舅鳩與女
蘿性樂松之茂好聞君顯令名舉宗爲歡喜不悟奄
忽終藏形而匿景耕夫釋耒耜桑婦投鉤莒道阻而
且長望遠淚如雨筴馬循大路褰裳而涉洧悠悠歌
黍離思黃鳥集于楚惴惴之臨穴送君於厚土嗟嗟

悲且傷每食■不飽夫人篤舊好不以存亡改文平
感渭陽悽愴益以甚諸姑咸辟踊爰及君伯姊孝孫
字元宰生不識考妣追惟厥祖恩蓬首斬縗杖世所
不能爲流稱於鄉黨見吾若君存剥裂而不可已壹別
會無期相去三千里絕翰永忼慨泣下不可止

怨詩

并序

漢張衡

秋蘭咏嘉人也嘉而不獲用故作是詩也

猗猗秋蘭植彼中阿有馥其芳有黃其葩雖曰幽深
厥美彌嘉之子之遠我勞如何

馬訥詩紀張溥百三名家皆缺序故錄之

刺巴郡守詩

孝桓帝時河南李盛仲和爲巴郡守貪財重賦國人

刺之曰

狗吠何誼誼有吏來在門披衣出門應府記欲得錢
語窮乞請期吏怒反見尤旋步顧家中家中無可爲
思往從鄰貸鄰人已言匱錢錢何難得令我獨憔悴

思治詩

漢末政衰牧守自擅巴郡民人思治作詩曰
混混濁沼魚習習激清流温温亂國民業業仰前修

董逃歌詞

魏武帝

德行不虧缺變故自難常鄭康成行酒伏地氣絕郭

景圖命盡於園桑

案今本魏志注逃作卓乃不知樂府有董逃者所改也張溥所輯魏

武帝集沿其誤今訂正錄之

夏詩

魏

文帝

夏時饒溫和避暑就清涼北坐高閣下延賓作名倡
嘉餽重疊來珍果在一傍綦局縱橫陳博奕合雙揚
功拙更勝負歡美樂人腸從朝至日夕安知夏節長

猛虎行

魏

明帝

雙桐生空井枝葉自相加通泉浸其根元雲潤其柯
綠葉何落落青條視曲阿已上二句見御覽九百五十六上有雙棲
鳥交頸鳴相和何意行路者秉丸彈是窠

詩

魏

劉楨

天地無期竟民生甚局促為稱百年壽誰能應此錄
低昂倏忽去炯若風中燭

季冬詩

晉傅元

季冬時慘烈猛寒不可勝嚴風截人耳素雪墜地凝
林上飛霜起波中自生冰未夕結重衾崇朝不敢興

炎旱詩

晉傅元

炎旱歷三時天運失其道河中飛塵起野田無生草
一滄重丘山哀哀以終老君無半粒儲形影不相保

上巳日帝會天淵池

晉潘尼

青春暮月六氣和理律應姑洗日惟元巳谷風散凝
微陽戒始春服既成明靈降祉巳上見御覽三十首
句亦見北堂書鈔
一百五十五藹藹疎圃載繁載榮
藹藹天淵載淥載清上巳

見初學記四

遊西岳詩

晉潘尼

駕言遊西岳。寓目二華山。金樓虎珀階。象榻瑇瑁筵。中有神秀士。不知幾何年。

秋詩

晉張載

靈象運天機。日月如激電。秋風兼夜戒。微霜淒舊院。嘉木殞蘭圃。芳草悴芝苑。嚶嚶南翔鴈。翩翩辭歸燕。玉肌隨爪素。噓氣應口見。歛襟思輕衣。出入忘華扇。觀物識時移。顧已知節變。

愁霖詩

晉傅咸

舉足沒泥濘。市道無行車。蘭桂賤朽腐。柴粟貴明珠。

白志詩

晉于寶

壯士稟傑姿氣烈有自然俯仰辟雍中胡能救世艱
闕鞏代縫掖兜鍪易進賢

採菊詩

晉袁宏

息足迴阿圓坐長林披榛卽澗藉草依陰

詩

晉江道

巨鼇戴蓬萊大鯤運天池倏忽雲雨興俯仰三州移

瑞雪詠

宋謝莊

①管洽幽詩平火洲滅日壑清龍關沙蒸河傲雲驚
晷未沉而并闕寓方霾而曳曳下當有脫文山飛白雪叶中
符而掩皇州降千■而瑞神世始益益以蕤轉終俳
徊而煙曳狀素鏡之晨光寫金波之夜晰晰景兮便